

গণপ্রজাতন্ত্রী বাংলাদেশ সরকার  
তথ্য অধিদফতর  
বাংলাদেশ সচিবালয়  
ঢাকা।

## সংবাদ গতিধারা

ঢাকা, সোমবার ২৮ মার্চ ২০১৬, ১৪ চৈত্র ১৪২২

আজকের দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে :

- ১। দেশবিরোধী ঘড়িযন্ত্র সম্পর্কে দেশবাসীকে সতর্ক থাকার আহ্বান প্রধানমন্ত্রীর
- ২। ভূটানের সঙ্গে বাণিজ্য বৃদ্ধির ওপর গুরুত্বারোপ প্রধানমন্ত্রীর
- ৩। দুর্নীতির মামলা সময়মতো নিষ্পত্তির নির্দেশ রাষ্ট্রপতির
- ৪। আউশ উৎপাদনে সোয়া ২ লাখ কৃষককে প্রগোদনা দেওয়া হবে : কৃষিমন্ত্রী
- ৫। আদালত অবমাননার দায়ে দুই মন্ত্রীর জরিমানা
- ৬। সারাদেশে চালু হবে হেলথ কেয়ার কর্মসূচি : স্বাস্থ্যমন্ত্রী
- ৭। মেট্রোরেলের ডিপো নির্মাণে চুক্তি স্বাক্ষর কাজ শুরু এপ্রিলে : সড়ক পরিবহণ ও সেতুমন্ত্রী
- ৮। ধর্মভিত্তিক রাষ্ট্র গঠনের ভুল শুধরে দেন বঙ্গবন্ধু : তথ্যমন্ত্রী
- ৯। নির্মাণাধীন মৌচাক-মগবাজার ফ্লাইওভারে পথচারীদের নিরাপত্তা নিশ্চিতের নির্দেশ হাইকোর্টের
- ১০। লিবিয়ায় চার বাংলাদেশি নিহত
- ১১। অর্থ ফেরতে পদক্ষেপ নিতে ফেডারেল রিজার্ভসহ চার কার্যালয়ে চিঠি
- ১২। বায়োমেট্রিক পদ্ধতিতে সিম নিবন্ধন শেষ ৩০ এপ্রিল

## ১। দেশবিরোধী ষড়যন্ত্র সম্পর্কে দেশবাসীকে সতর্ক থাকার আহ্বান প্রধানমন্ত্রীর

প্রধানমন্ত্রী ও আওয়ামী লীগ সভানেটী শেখ হাসিনা দেশবিরোধী ষড়যন্ত্র সম্পর্কে দেশবাসীকে সজাগ ও সতর্ক থাকার আহ্বান জানিয়ে বলেছেন, দেশ যখন সবক্ষেত্রে উন্নয়নের পথে, যুদ্ধাপরাধীদের বিচার হচ্ছে তখন সরকারকে বাধা ও ব্যতিব্যস্ত করতে নানা ষড়যন্ত্র চলছে। জাতীয় ও আন্তর্জাতিক সব প্রতিবন্ধকতা ও ষড়যন্ত্র মোকাবিলা করেই দেশকে সামনের দিকে এগিয়ে নিয়ে যেতে হবে। গতকাল ২৭ মার্চ রোববার রাজধানীর কৃষিবিদ ইনসিটিউশন মিলনায়তনে মহান স্বাধীনতা ও জাতীয় দিবস উপলক্ষে আওয়ামী লীগ আয়োজিত আলোচনা সভায় প্রধান অতিথির বক্তব্যে প্রধানমন্ত্রী এসব কথা বলেন। সূত্র- জনকর্ত্ত (পৃ.১,ক.২), সংবাদ (শেষ পৃ.,ক.২), ডেইলি স্টার (পৃ.৩,ক.১), ডেইলি সান (শেষ পৃ.,ক.১)।

## ২। ভুটানের সঙ্গে বাণিজ্য বৃদ্ধির ওপর গুরুত্বারোপ প্রধানমন্ত্রীর

প্রধানমন্ত্রী শেখ হাসিনা বিবিআইএন (বাংলাদেশ, ভুটান, ভারত ও নেপাল) চুক্তির সফল বাস্তবায়নের পর এখন ভুটান ও এ অঞ্চলের অন্যান্য দেশের সঙ্গে বাণিজ্যিক সম্পর্ক জোরাদারের ওপর গুরুত্বারোপ করেছেন। তিনি বাংলাদেশে নিযুক্ত ভুটানের বিদায়ী রাষ্ট্রদূত পেমা চোডেনকে বলেন, বিবিআইএন চুক্তি বাস্তবায়নের পর এখন যোগাযোগের ক্ষেত্রে একটা নতুন সুযোগ সৃষ্টি হয়েছে। এ অঞ্চলের ব্যবসা ও বাণিজ্যের আরও বিস্তারের এখনই সময়। প্রধানমন্ত্রীর প্রেস সচিব ইহসানুল করিম জানান, পেমা চোডেন গতকাল ২৭ মার্চ রোববার প্রধানমন্ত্রীর সঙ্গে তাঁর তেজগাঁওয়ের কার্যালয়ে বিদায়ী সাক্ষাত করেছেন। সূত্র-জনকর্ত্ত (পৃ.২,ক.৫), ভোরের কাগজ (পৃ.৫,ক.২), ডেইলি স্টার (পৃ.৪,ক.২), ইভিপেনডেন্ট (পৃ.৯,ক.১)।

## ৩। দুর্নীতির মামলাগুলো সময়মতো নির্দেশ রাষ্ট্রপতির

দুর্নীতি-সংক্রান্ত মামলাগুলো তদন্তসহ সময়মতো নিষ্পত্তি করতে দুর্নীতি দমন কমিশনকে (দুদক) প্রয়োজনীয় পদক্ষেপ নেওয়ার নির্দেশ দিয়েছেন রাষ্ট্রপতি মো. আবদুল হামিদ। তিনি বলেন, দেশে দুর্নীতি দমনে অন্যতম বাধা হলো দুর্নীতি-সংক্রান্ত মামলা এবং এসব মামলার তদন্তে বিলম্ব হওয়া। রাষ্ট্রপতি দুর্নীতি দমনের ক্ষেত্রে মানুষের আঙ্গ অর্জনে আন্তরিকতার সঙ্গে কাজ করতে ও কমিশনের ভাবমূর্তি উজ্জ্বল করতে দুদকের প্রতি নির্দেশ দেন। সূত্র-প্রথম আলো, (পৃ.৩, ক.৬), জনকর্ত্ত (পৃ.২,ক.১), ইভিপেনডেন্ট (পৃ.৩,ক.৭), ডেইলি সান (পৃ.৩,ক.৫)।

## ৪। আউশ উৎপাদনে সোয়া ২ লাখ কৃষককে প্রগোদনা দেওয়া হবে : কৃষিমন্ত্রী

দেশের উত্তর ও মধ্যাঞ্চলসহ ৪৯টি জেলার সোয়া দুই লাখের বেশি প্রাস্তিক ও ক্ষুদ্র কৃষকদের আউশ উৎপাদনের জন্য ৩৩ কোটি ৬২ হাজার টাকার প্রগোদনা সুবিধা দেবে সরকার। এর মাধ্যমে বিনামূল্যে বীজ, রাসায়নিক সার বিতরণ এবং আর্থিক সহায়তা পাবেন কৃষকরা। গতকাল ২৭ মার্চ রোববার সচিবালয়ে কৃষি মন্ত্রণালয়ের সভাকক্ষে এক সংবাদ সম্মেলন এ তথ্য জানান কৃষিমন্ত্রী মতিয়া চৌধুরী। কৃষিমন্ত্রী বলেন, দেশের উত্তর-মধ্যাঞ্চল ও বরেন্দ্র এলাকাসহ ৪৯টি জেলার দুই লাখ ৩১ হাজার ৩৬৩ জন চাষি একবিধি জমির জন্য এই প্রগোদনা পাবে। এজন্য মোট ৩৩ কোটি ৬২ হাজার ২৩৫ টাকা বরাদ্দ দেওয়া হয়েছে। এর মধ্যে দুই লাখ এক হাজার ৩৬৩ জনকে উফশি (উচ্চ ফলনশীল) জাতের আউশ এবং ৩০ হাজার জনকে নেরিকা জাতের আউশ চাষের জন্য এই প্রগোদনা দেওয়া হচ্ছে। সূত্র-সংবাদ (শেষ পৃ., ক.২), ইন্ফোক (শেষ পৃ.,ক.৬), নিউজ টুডে বিজনেস পাতা (পৃ.৮,ক.৫), ইভিপেনডেন্ট (পৃ.৯,ক.২)।

## ৫। আদালত অবমাননার দায়ে দুই মন্ত্রীর জরিমানা

যুদ্ধাপরাধী মীর কাসেম আলীর আপিলের রায় নিয়ে ‘আদালত অবমাননাকর’ বক্তব্যের দায়ে খাদ্যমন্ত্রী কামরুল ইসলাম ও মুক্তিযুদ্ধবিষয়কমন্ত্রী আ ক ম মোজাম্মেল হককে দোষী সাব্যস্ত করে তাদের প্রত্যেককে ৫০ হাজার টাকা করে জরিমানা করেছেন সুপ্রিম কোর্টের আপিল বিভাগ। অনাদায়ে সাত দিনের কারাদণ্ডের নির্দেশ দেওয়া হয়েছে। গতকাল ২৭ মার্চ রোববার প্রধান বিচারপতি সুরেন্দ্র কুমার সিনহার নেতৃত্বাধীন আপিল বিভাগের আট সদস্যের বেঞ্চ এ আদেশ দেন। সূত্র-সংবাদ (পৃ.১, ক.৬), ডেইলি স্টার (পৃ.১,ক.৪), প্রথম আলো, ভোরের কাগজ, যুগান্তর, ইনকিলাব, ইভিপেনডেন্ট, ডেইলি সান, নিউ নেশন এ বিষয়ে লিড নিউজ ছেপেছে।

## ৬। সারাদেশে চালু হবে হেলথ কেয়ার কর্মসূচি : স্বাস্থ্যমন্ত্রী

দরিদ্র জনগোষ্ঠীকে স্বাস্থ্যসেবার আওতায় আনতে ‘শেখ হাসিনা হেলথ কেয়ার’ কর্মসূচি সারাদেশে সম্প্রসারণ করা হবে বলে জানিয়েছেন স্বাস্থ্যমন্ত্রী মোহাম্মদ নাসিম। গতকাল ২৭ মার্চ রোববার সচিবালয়ে স্বাস্থ্য মন্ত্রণালয়ের বার্ষিক উন্নয়ন কর্মসূচির অগ্রগতি পর্যালোচনা সভায় তিনি বলেন, প্রধানমন্ত্রী শেখ হাসিনার

=৩=

নির্দেশে দরিদ্র মানুষের ৫০টি রোগের চিকিৎসা বিনামূল্যে নিশ্চিত করতে এ কর্মসূচির উদ্যোগ নেওয়া হয়েছে।  
সূত্র-সমকাল (পৃ.৪,ক.৫), ইতেফাক (পৃ.২,ক.২)।

## ৭। মেট্রোরেলের ডিপো নির্মাণে চুক্তি স্বাক্ষর কাজ শুরু এপ্রিলে : সড়ক পরিবহণ ও সেতুমন্ত্রী

সড়ক পরিবহণ ও সেতুমন্ত্রী ওবায়দুল কাদের বলেছেন, আগামী এপ্রিল মাসের শেষের দিকে মেট্রোরেলের নির্মাণ কাজ শুরু হবে। প্রধানমন্ত্রী শেখ হাসিনা এই নির্মাণ কাজের উদ্বোধন করবেন। গতকাল ২৭ মার্চ রোববার রাজধানীর একটি হোটেলে মেট্রোরেল প্রকল্পের ডিপো নির্মাণে (প্যাকেজ-১) ঠিকাদারের সঙ্গে চুক্তি স্বাক্ষর অনুষ্ঠানে ওবায়দুল কাদের এসব কথা বলেন। ৫৬৭ কোটি টাকায় মেট্রোরেলের ডিপো নির্মাণকাজ পেয়েছে টেকিও কনস্ট্রাকশন কোম্পানি লিমিটেড। গতকাল ২৭ মার্চ রোববার প্রতিষ্ঠানটির প্রতিনিধি হিরোসি আসাকামি ও ঢাকা ম্যাস ট্রানজিট কোম্পানি লিমিটেডের ব্যবস্থাপনা পরিচালক মোফাজ্জল হোসাইন নিজ নিজ পক্ষে চুক্তিতে স্বাক্ষর করেন। সূত্র-প্রথম আলো, (পৃ.৩,ক.৫), ইতেফাক (পৃ.১৭,ক.৮), ডেইলি স্টার (পৃ.৩,ক.৮), ইভিপেনডেন্ট (পৃ.৩,ক.২)।

## ৮। ধর্মভিত্তিক রাষ্ট্র গঠনের ভুল শুধরে দেন বঙ্গবন্ধু : তথ্যমন্ত্রী

তথ্যমন্ত্রী হাসানুল হক ইনু বলেছেন, বঙ্গবন্ধু শেখ মুজিবুর রহমান একাত্তরে স্বাধীন বাংলাদেশের অভ্যন্তরে মাধ্যমে নেহরু-জিন্নাহর ১৯৪৭ সালের ধর্মভিত্তিক রাষ্ট্র গঠনের ভুল শুধরে দেন। জাতীয়তাবাদের ভিত্তিতে রাষ্ট্র গঠন করে তিনি উপমহাদেশের একজন সফলতম নেতা হিসেবে ইতিহাসে অমর হয়ে রয়েছেন। গতকাল ২৭ মার্চ রোববার জাতীয় প্রেসক্লাবে বঙ্গবন্ধুর জন্মদিন ও মহান স্বাধীনতা দিবস উপলক্ষে বাংলাদেশ মুক্তিযোদ্ধা চিকিৎসক পরিষদ আয়োজিত আলোচনা সভায় প্রধান অতিথির বক্তব্যে তিনি এ কথা বলেন। সূত্র-সমকাল (পৃ.৪,ক.৫), জনকর্ত্ত (শেষ পৃ.ক.৫), ডেইলি সান (পৃ.৩,ক.৮)।

## ৯। নির্মাণাধীন মৌচাক-মগবাজার ফ্লাইওভারে পথচারীদের নিরাপত্তা নিশ্চিতের নির্দেশ হাইকোর্টে

নির্মাণাধীন মৌচাক-মগবাজার ফ্লাইওভারে আগামী ১৫ দিনের মধ্যে পথচারীদের জন্য পর্যাপ্ত নিরাপত্তা ব্যবস্থা গ্রহনে সংশ্লিষ্টদের নির্দেশ দিয়েছেন হাইকোর্ট। একইসঙ্গে ফ্লাইওভারের ওপর থেকে রড পড়ে নিহত শ্রমিক ইমনের পরিবারকে কেন পর্যাপ্ত ক্ষতিপূরণ দেওয়ার নির্দেশ দেওয়া হবে না তা জানতে চেয়ে ঝ঳ জোরি করে আদালত। এক রিট আবেদনের পরিপ্রেক্ষিতে বিচারপতি কৃষ্ণ দেবনাথের ডিভিশন বেঞ্চ গতকাল ২৭ মার্চ রোববার এই আদেশ দেন। সূত্র-ইতেফাক (পৃ.২,ক.৫), ভোরের কাগজ (শেষ পৃ.,ক.৩), ডেইলি স্টার (পৃ.৩,ক.১), ইভিপেনডেন্ট (পৃ.২,ক.৭)।

## ১০। লিবিয়ায় চার বাংলাদেশি নিহত

লিবিয়ার পূর্বাঞ্চলীয় শহর বেনগাজিতে সরকারি সেনাদের সঙ্গে বিদ্রোহী বাহিনীর সংঘর্ষের মধ্যে চার বাংলাদেশি নিহত হয়েছেন বলে জানিয়েছে পররাষ্ট্র মন্ত্রণালয়। পররাষ্ট্র প্রতিমন্ত্রী শাহরিয়ার আলম বলেন, বিবদমান দুইপক্ষের গোলাগুলিতে তারা নিহত হয়েছেন। সূত্র-জনকর্ত্ত (শেষ পৃ.ক.৬), ইতেফাক (শেষ পৃ.,ক.৮), ডেইলি স্টার (শেষ পৃ.,ক.১), ইভিপেনডেন্ট (পৃ.১,ক.২)।

## ১১। অর্থ ফেরতে পদক্ষেপ নিতে ফেডারেল রিজার্ভসহ চার কার্যালয়ে চিঠি

পাচার হওয়া রিজার্ভের অর্থ উদ্বারে কার্যকর পদক্ষেপ গ্রহণের অনুরোধ জানিয়ে জাতিসংঘ ও যুক্তরাষ্ট্রের কেন্দ্রীয় ব্যাংক ফেডারেল রিজার্ভসহ চারটি কার্যালয়ে চিঠি পাঠিয়েছে বাংলাদেশ ব্যাংক। এছাড়া অভ্যন্তরীণ ও সরকারের গঠিত কমিটির তদন্ত অব্যাহত আছে বলেও কেন্দ্রীয় ব্যাংকের পক্ষ থেকে জানানো হয়। গভর্নর পদে ফজলে কবিরের যোগদানের

পর ওই চিঠি দেওয়া হয় বলে গতকাল ২৭ মার্চ রোববার সাংবাদিকদের জানান বাংলাদেশ ব্যাংকের মুখ্পত্তি ও নির্বাহী পরিচালক শুভক্ষণ সাহা। সূত্র-সংবাদ (পৃ.১, ক.২), জনকষ্ট (পৃ.১,ক.২), ইভিপেনডেন্ট (শেষ পৃ.ক.৭), ডেইলি সান (শেষ পৃ.,ক.৭)।

#### ১২। বায়োমেট্রিক পদ্ধতিতে সিম নিবন্ধন শেষ ৩০ এপ্রিল

আগামী ৩০ এপ্রিলের মধ্যে আঙুলের ছাপ (বায়োমেট্রিক) পদ্ধতিতে মুঠোফোন সিম নিবন্ধনের চলমান প্রক্রিয়া শেষ করার কথা জানিয়েছেন ডাক ও টেলিযোগাযোগ প্রতিমন্ত্রী তারানা হালিম। ঢাকার ফার্মগেটে একটি মুঠোফোন অপারেটরের গ্রাহক সেবা কেন্দ্রে গিয়ে নিজের সিমটি নিবন্ধন করেন তিনি। এ সময় তিনি বলেন, ৩০ এপ্রিলের মধ্যে এটা শেষ করতে হবে। এই পদ্ধতিতে নিবন্ধন না করলে ভবিষ্যতে কোনো সিম চালু থাকবে না। যেসব সিম নিবন্ধনে আঙুলের ছাপ মিলছে না সেগুলোর বিষয়ে করণীয় সম্পর্কে প্রতিমন্ত্রী বলেন, যাদের জাতীয় পরিচয়পত্র নেই বা ভুল আছে, তারা ড্রাইভিং লাইসেন্স, পাসপোর্ট বা জাতীয় পরিচয়পত্রের জন্য করা আবেদনের নিবন্ধন নম্বর

=8=

দিয়েও সিম নিবন্ধন করতে পারবেন। সূত্র-সংবাদ (শেষ পৃ. ক.৪), জনকষ্ট (পৃ.৩,ক.৪), নিউ এজ বিজনেস পাতা (পৃ.বি.১,ক.২)।

#### সম্পাদকীয়

- ক. প্রথম আলো : ‘বিশ্ব স্বাস্থ্য পরিসংখ্যান ২০১৫’ এর প্রতিবেদনে প্রকাশিত বাংলাদেশের দরিদ্র শিশুদের মৃত্যুরুকি দ্বিতীয় হওয়ার খবরের পরিপ্রেক্ষিতে এ মৃত্যুরুকি দূর করতে সরকারকে এখনই সুদূরপ্রসারী পরিকল্পনা নেওয়ার সুপারিশ।
- খ. ইন্ডেফোক : রেডলাইন এভিয়েশন নামক ব্রিটিশ কোম্পানি হ্যারত শাহজালাল আন্তর্জাতিক বিমান বন্দরের নিরাপত্তার দায়িত্ব পাওয়ার ফলে সার্বিকভাবে পরিস্থিতির উন্নতি হওয়ার প্রত্যাশা ব্যক্ত।
- গ. জনকষ্ট : সরকার ১৯৭১ এর পঁচিশে মার্চে গণহত্যার বিষয়টি গুরুত্বের সঙ্গে নিয়ে আন্তর্জাতিক স্বীকৃতি আদায়ের জন্য প্রয়োজনীয় ব্যবস্থা গ্রহণ করবে বলে দেশবাসীর প্রত্যাশা।
- ঘ. সংবাদ, সমকাল, জনকষ্ট, প্রথম আলো : কুমিল্লা ভিট্টেরিয়া সরকারি কলেজের শিক্ষার্থী তন্তু হত্যার সুষ্ঠু তদন্ত ও দোষীদের সর্বোচ্চ শাস্তি নিশ্চিত করার সুপারিশ।
- চ. ইনকিলাব : হালদা নদী ও সেখানে মাছের অভয়াশ্রমকে অত্যাধিক গুরুত্বের সাথে বিবেচনা করে নদী তীরবর্তীরাসহ সকলকেই এ ব্যাপারে সচেতন ও যত্নবান হওয়ার আহ্বান।
- ঙ. সমকাল, যুগান্তর, : আদালত অবমাননার দায়ে দোষী সাব্যস্ত করে মন্ত্রিসভার দুই সদস্যকে সুপ্রিম কোর্টের সাজা দেওয়ার বার্তাটি সবার জন্য একটি সতর্কবার্তা বলে অভিমত।
- ছ. ডেইলি স্টার : প্রাথমিক শিক্ষার্থীদের প্রাথমিক সমাপনী পরীক্ষার চাপ থেকে মুক্তি দিয়ে তাদের ভালভাবে পড়া, লেখা ও অংক শেখানোর ওপর গুরুত্ব দেওয়ার পাশাপাশি প্রাইভেট কোচিং কঠোরভাবে বন্ধ করার সুপারিশ।
- জ. ইভিপেনডেন্ট : পণ্য আমদানি ও রপ্তানির কন্টেইনারের ফিস প্রস্তাবিত ই-ট্রেডিং প্রযুক্তিতে আদায় করতে বেসরকারি কোম্পানির ওপর এনবিআর দায়িত্ব দেওয়ায় এ সিস্টেমের সফল প্রয়োগের প্রত্যাশা।
- ঝ. ডেইলি সান : সড়ক দুর্ঘটনায় মৃতের সংখ্যা ২০২০ সালের মধ্যে অর্ধেক কমিয়ে আনার সরকারি প্রতিশ্রূতি বাস্তবায়নে সব ধরনের প্রয়োজনীয় পদক্ষেপ গ্রহণের ওপর গুরুত্বারোপ।
- ঞ. ফিনানশিয়াল এক্সপ্রেস, সংবাদ : আর্থিক কেলেক্ষারিতে হাজার হাজার কোটি টাকা লোপাট হওয়ার বিচার নিশ্চিত করাসহ আর্থিক প্রতিষ্ঠানের ডিজিটাল নিরাপত্তা কঠোরভাবে সুনিশ্চিত করার সুপারিশ করে সম্পাদকীয় প্রকাশ করেছে।

#### উপ-সম্পাদকীয়

ইতেফাক পত্রিকায় প্রকাশিত কলামে এক-তৃতীয়াংশের বেশি ঢাকা নগরবাসীর বর্তমানে কোনো স্থায়ী বাসস্থান নেই। এই ব্যাপক জনজট থেকেই যানজটসহ সব অসহনীয় সমস্যার উৎপত্তি বলে উল্লেখ করা হয়।

### নিবন্ধ ও ফিচার

ইনকিলাব পত্রিকায় প্রকাশিত ‘অ্যান্টিবায়োটিকের অপব্যবহার রোধ করতে হবে’ শিরোনামের নিবন্ধে ডষ্টের শেখ সালাহউদ্দিন আহমদ পরিষ্ঠিতি আরো ভয়াবহ পর্যায়ে যাওয়ার আগেই অ্যান্টিবায়োটিকের অপব্যবহার রোধে কার্যকর পদক্ষেপ নেওয়ার প্রয়োজন বলে অভিমত প্রকাশ করেছেন।

#

শুকলা/মরজিলা/রশীদ/২০১৬/৯.০০ ঘণ্টা

